

e, lib. 7. c. 15.

tia, vt computationis præludium bibebant, & ex vini partibus quatuor & vna mellis conficiebantur, vt apud Æginetam e habetur. Nihilominus tamen eodem autore ex scammonio, aut grano cnidio, aut huiusmodi purgatoriis parabantur, aut etiam pro ratione affectuum medicamenta iniiciebantur, cuiusmodi plura Myresipus proponit, & inter cetera ad ventrè subducendum ex polypodio, habet etiam ex asaro, senna & epithymo. Ad horum imitationem solemus vina purgãtia conficere. Nam cum Medicus ægroti moribus nonnunquam se accommodare debeat, & Germanorum plerique à medicamentorum vsu frequenti abhorreant, sicque humores vel iulepis vel decoctis ex artis præscripto præparare non liceat, alia forma ipsis gratior & scopo conueniens inuenienda fuit. Quare cum vinum naturæ amicum, & apud Germanos vinum absynthites in quotidiano pene vsu sit, & vinum ex medicamentis infusis vires facile eliciat, ac præpropere in singulas & abditissimas corporis partes velut optimum medicinæ vehiculum diffundat (cuius nomine Dioscorides de vino inter medicamenta, non alimenta egit) hanc ob causam eiusmodi vinis absynthio addito, quibus & humores præparare, eosdemque expurgare possumus, frequenter vtimur.

Duplicia ergo sunt vina medicata: Quædam enim solum alterant, quædam vero humores præparant, eosque sensim expurgant. Quæ alterant, vel prima qualitate vel secunda id præstant: Prima, vt calefaciendo, refrigerando &c: & quidem
vel